

# Ds Tröpfli

Text und Musik  
Jacob Stickerberger

Za - be wenn i gärn schla - fe wett lig - i zfri - den im wei - che Bett

5 lei - der han i trotz al - lem Chum - mer alls wär schön nu - me wott dr Schlum - mer

9 i dr Nacht nid zue mer cho vi - licht wird i chrank der - vo

13 nächt - lang los i wies chlopf und chlo - pfet wil im Zim - mer dr Ha - ne tro - pfet

17 all Mi - nu - te machts zag - haft plopf das isch ä - be dä Tropf ä - be dä

21 Tropf Tropf Tropf ä - be dä Tropf Tropf Tropf ä - be dä Tropf

# Ds Tröpfli

1. Zabe wenn i gärn schlafe wett  
lig i zfriden im weiche Bett  
leider han i trotz allem Chummer  
alls wär schön nume wott dr Schlummer  
i dr Nacht nid zue mer cho  
vilicht wird i chrank dervo  
nächtlang los i wies chlopf- und chlopfet  
wil im Zimmer dr Hane tropfet  
all Minute machts zaghaft: plopf  
das isch äbe dä Tropf  
äbe dä Tropf Tropf Tropf

äbe dä Tropf Tropf Tropf  
äbe dä Tropf

2. Stundelang mit kapute Glider  
stell i fescht das es tropft scho wider  
statt dass i nach em Schlafe trachte  
mues i stur uf das Tröpfli achte  
wo i jedem Momänt sött cho  
ghörsch es, plupp! da isch es scho  
gschlage bin i s'wird immer schlimmer  
nume wäge däm Tropfzimmer  
nume wäge däm Marterschopf  
nume wäge däm Tropf

wäge däm Tropf Tropf Tropf  
wäge däm Tropf Tropf Tropf  
wäge däm Tropf

3. Einisch schlaf i i plagets Gschöpfli  
unerwartet trotz alle Tröpfli  
und i tröime dass'numme tropft  
d'Leitig sygi total verstopft  
ir Röhre hocki e dicki Chrott  
wo um alls nid use wott  
wil mi das aber schampar gruuset  
brüel i lut drum isch fertig pfuuset  
und scho wider tönst náb mym Chopf  
tropf und tropf und tropf

ewig das Tropf Tropf Tropf  
ewig das Tropf Tropf Tropf  
ewig das Tropf

4. Dä Schade het me de doch behobe  
sofort bin i y ds Bett verstobe  
hufe Schlaf het mer ds Tröpfli gstole  
und dä mues i jitz nahehole  
zfride drück i d'Ouge zue  
an sich hätt i meh als Rue  
trotzdäm schlaf i so nie im Läbe  
vergäbe wart i uf ds Grüsch dernäbe  
denn das wott mer nid i Chopf  
s'macht ja gar nümme: plopf

nieme das Tropf Tropf Tropf  
nieme das Tropf Tropf Tropf  
nieme das Tropf  
drum:

5. Isch das Lavabo nid erfunde  
eis wo tropfet all zäh Sekunde?  
und i tue mi a alli wände:  
löht mi bitte nid so verände  
pfuuse nümme s'isch ganz verzwicket,  
sit si hei mys Brännli gflickt  
wenns neume tropft tüet mers reserviere  
alles! nume nid repariere  
dänket a my alte Zopf  
löht mer mys Getropf

löht mer mys Tropf Tropf Tropf  
löht mer mys Tropf Tropf Tropf  
löht mer mys Tropf